

痘疹會通

利

貫膿三日逐条治法

附二十五則

氣血虛縮 痘色淡白頂不尖圓根無暈紅者乃氣
虛而血縮也宜參歸鹿茸湯或千金內托散主之
焦黑 痘色紅紫乾枯或帶焦黑者乃毒盛而血凝
也當以涼血化毒湯加人參生耆前胡黃芩山查
酒炒黃連主之

板黃 痘至七八日之後漿如痘板膿如不實黃而
各別十有不治惟用加減五虎湯

漏珠痘 痘至八九日後漿足以成正當結痂而反

不能收靨膿化清水痘破潰爛或皮似皺紋此皆表虛之故急以固表回陽湯遲則寒戰咬牙而陷伏倒靨變症一日出矣

潰脫 痘當作膿尚未成而反先潰者是因發不當發之太過宜用十全大補湯去桂加荊防主之多服乃妙若便結者用膽導法瀉利不止者當用陳氏木香散手足涼者用異功散主之

空壳 當貫漿時猶是空壳此乃氣載毒行血不附氣毒者血也血既不行則毒猶伏于血中而不出

也用四物合紫艸飲子加虫退主之如已成清水
猶灰白不能作漿此氣血兩虛用十全大補湯主
之

不灌 痘當灌而不灌者其症有四當起脹忽然陷
伏四症同治詳見起脹十六條

泄瀉 痘灌漿時忽然溏瀉不止此脾氣益虛而氣
血更損當速用四君子湯送下豆蔻丸瀉止之後
復以人參白朮散去葛根加上桂炙耆主之

大便閉 貫漿時而大便閉者用膽導法使氣血疏

通榮衛和暢

手足熱 貫漿時手足發熱而有汗者是毒鬱于中
其人二便必閉宜清利之用承氣湯去芒硝主之
厥逆 貫漿時手足發逆此陽氣欲脫其人必自利
不止時或嘔吐宜用理中湯加附片或陳氏異功
散主之

吐痰 貫漿時常吐痰涎濃結喉中有聲者當以甘
桔湯加牛子花粉連翹陳皮半夏主之

潰爛 當貫漿破爛成坑外用敗艸散敷之內服內

托散而痘可貫矣

白泡 痘有白泡而陷頂大者用保元湯加白朮茯苓主之

四肢不貫 遍身俱實惟四肢不灌者當以黃耆建中湯加桂枝主之

不眠 當貫漿之日忽然不眠其病有三漿多潰爛不滿足者此毒在裡而未盡出也宜以龍腦膏而膿已成漿滿足者此熱在表而爲風寒所逼塞也宜用導赤散加荆防麻黃少許若痘太密膿成之

後心血虧虛多致不眠宜用四物湯加人參麥冬
棗仁梔子主之

噎水 當膿成時而噎水吐食者若言語清亮聲音
不啞以喉中有故也用甘桔湯加牛子

傷食 小兒痘本稀疎有因食腹痛而嘔者宜平胃
散加砂仁藿香煨薑主之

誤食生冷 因食生冷致傷脾胃而嘔者瘡必多白
用異功散加砂仁主之

痘痒 痘瘡皮薄色嬌到成膿之日搔痒難當者用

十全大補湯加防風桂枝虫退有因泄瀉而痒者
乃虛痒也仍用十全大補湯加虫退首烏主之有
因觸犯而痒者其痒必暴只用燻法可效有起水
泡而痒乃氣虛也保元湯加防風白芷主之外用
燻法

面先乾靨 痘當漿清不足之時而面先乾靨者此
倒靨也用保元湯加赤芍生地銀花牛子連翹蜜
炒麻黃紅花調山甲末主之

作渴 當貫漿時作渴切不可與冷水西瓜等物食

近世會通 卷三
之用升麻葛根湯加人參麥冬花粉主之

潰爛 當貫漿而遍身潰爛者用十全大補湯加荆
防多服乃佳否則異功散如或厥逆用十三味異
功散

寒戰咬牙 痘症貫漿之日忽然寒戰咬牙者其症

有三如瘡色紅紫漿足十分大小便閉此乃表裡
俱實之症用四順清涼飲加人參連翹木通銀花
主之如或灰白易陷大小便閉澀此純陽無陰之
症宜用雙解散主之如平陷灰白泄瀉不止此又

純陰無陽之症宜用陳氏木香散或異功散主之亦可

咳逆 痘至漿成之日忽然咳逆余思有三一屬胃寒二屬水逆三屬胃敗胃寒者當用補中順氣湯加陳皮水逆者當以吐之後用四君子湯去雲苓加陳皮砂仁至于胃敗不可驟補當以養脾丸主之或大便結而咳逆者是下不行而上至逆也用膽導法使便通而氣順矣

結痂落痂論

痘至成漿之後鮮明肥澤飽滿堅實以手試之漸覺
硬者此欲靨也痘至將靨毒已散矣使調養得法又
何慮歟不知更不可忽也蓋靨有真有假真者光潤
堅硬皮老痂厚其人二便如常飲食漸多假者皮鬆
漿清精神散漫精神者謂痘之精神非人之精神也
其人必煩燥不安渴飲無度使以假而真則妄行溫
補勢必潰爛漫然視之變不旋踵卽僥倖成功而餘
毒必發或作癰腫或作丹瘤或遍体虛浮而疥癬不
已種種變症皆收靨過急而餘毒未盡也雖善調養

能無慮歟故更不可忽也

收歛三日在肝經程治法

附三方並雜症加減

保嬰百補湯

人參 白朮 雲苓 當歸 白芍 熟地

淮山 桔梗 甘艸 棗二枚 蓮肉五分 水煎服

凡九日漿足之後前無變症並以此方治之惟氣
虛一症本方加黃耆肉桂 有熱加黃芩連翹木
通 有濕加朱苓澤瀉荆防羌活蒼朮 不易磨
者加歛膿散催之

神樓散

白芍 白朮 山藥 山查 肉桂 雲苓 人

參 黃耆 甘草 熟地 鹿茸

赤龍丹

治熱唇赤手足大熱氣粗脉浮大顛掉者并熱而
戰也辰砂火升露出火毒研細末每服三分淡薑
湯送下

收歛三日逐条治法

附十六則

虛寒不靨 痘至十一二日之間膿漿滿足而色蒼

臘乃回漿之後此爲及期若當靨不靨其人身涼而手足俱冷是元氣不足虛寒症也用十全大補湯加乾薑丁香主之或天氣嚴寒失于蓋覆使瘡受冷寒氣逼塞而不靨者其痘必灰白人必無汗當用桂枝葛根湯去葛根加麥冬地膚地皮蜜炙麻黃酒炒芩外用燻法

過熱不靨 其人身熱手足亦熱當靨不靨此乃發熱燻蒸毒氣未盡解也宜用甘露回天飲主之或天氣炎熱過求溫暖使瘡受熱氣燻蒸而不靨者

其痘必紅艷通身汗出用人參白虎湯外用敗艸散

熱在下不靨 痘靨至頸或至腰而不靨者此熱在下也小便赤者用四苓散加木通大便秘者用當歸解毒湯主之

靨急乾枯 靨太急乃毒邪未盡煎燉津液以至乾枯當用四物湯加人參麥冬紫艸去白芍主之

靨遲潰爛 靨太遲乃中氣素虛脾胃又弱不能榮養肌肉使之完結反致潰爛者當用十全大補湯

外用敗艸散敷之

便秘不靨

或大便秘結內外熱極毒氣散漫無餘

氣以斂束而不能靨者當服四順清涼散外用膽

瀉法

泄瀉不靨

或泄瀉氣虛脾胃漸弱肌肉又虛無津

液以濡之而不靨者內服陳氏木香散外用敗艸

散敷之

飲水不靨

或因發渴飲水無度致使水積脾胃浸

淫肌肉而不靨者當服五苓散加防風白芷外用

敗艸散敷之

誤食發物不靨

或因失禁忌誤食牛羊等物致使

潰爛成坑膿血不止者當以敗艸散敷之不必服

藥

過補不靨

或因過服參耆等藥致使皮捲脫落漿

水浸淫而不靨者當以荊芥滲濕散主之

過潰不靨

痘原多潰爛至漿靨之日愈見熱臭膿

水不止者當用生肌散搽之

毒未盡不靨

當靨之日遍身皆出清水乃毒未盡